



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

§. 1. Alia paterni amoris signa esse in filijs sæculi, alia in filijs Dei.

**urn:nbn:de:hbz:466:1-45653**

## C A P V T   X X X I .

### Casuum à Deo immisorum complures utilitates spirituales.

**S**I, Domino maledicorum linguis, aut calumnijs impiorum vso, servi probi vox est: *Quis est, qui audeat dicere, quare sic fecerit?* quanto magis filius excipiet lata mente, quod à patre amante proficitur? Et vt excipiat, scire debet, hoc ipsum esse signum, quo agnoscere potest, se esse vnum de numero filiorum, non si eum extollat, non si in solio collocet, non si ex eo Sardanapalum faciat; sed si in dura, & labores arduos eum mittat. Apud Poetas, Phæthon, Solem sic alloquitur:

I.  
2. Reg. 16.  
10.

*Phabe pater, si das vsum mihi nominis huius:*

Ouid. lib. 2;  
Metam.

*Nec falsa Clymene culpam sub imagine calat:*

*Pignora da genitor, per qua tua vera propago*

*Credar, & hunc animis errorem detrahe nostris.*

Annuit pater. at quid stolidus iuuenis, in signum petijt, vt filius esse Solis agnosceretur? *currus petit ille paternos,*

*Inq, diem alipedum ius & moderamen equorum.*

*Panituit iurasse patrem.*

Siquidem exitium suum petierat filius; neque enim ad mortalem pertinebat, quod petierat. Nemo est, qui non optaret scire, num filius Dei, & Christi cohæres sit? Stulti pro signo habent, si curru aurato, si sceptris, si coronis, si dignitatibus possint fulgere. At regnum Christi non est de hoc mundo; & actum esset de pauperibus, si nemo Dei filius esset, nisi diues, nisi splendidus, nisi opulentus. Igitur aliud signum est, quod vel ex ipso naturali Dei Filio Christo potest cognosci. Neque enim est seruus supra Dominum, aut Filio naturali Dei, filius adoptius debet velle delicatiū tractari. *Signum Filij hominis & Filij Dei ipse Dei Filius crucem.* Matt. 24.30. nuncupauit.

Tempore Ioannis Evangelistæ, Episcopus Smyrnensis, vir magnæ Sanctitatis grauibus procellis quatiebatur. Vocauit igitur Ioannem Christus & dixit: *Angelo Smyrna Ecclesiæ scribe: Hec Apoc. 2.8. dicit primus & nouissimus, qui fuit mortuus & viuit, Scio tribulationem*

II.

*Pp tuam,*